

叙



道光元年秋邑侯朱西浦先生  
以名孝廉來治石城惠政日新  
歲豐民輯越一年撫軍奏修  
通志徵志屬邑以備採會寧都  
州二州志之役因詢集邑人士



開局修葺余以不才謬蒙

憲命與諸君子佐其事謹按石  
城自南唐隄李保太十一年建縣  
以來書缺有間矣洎有明宏治  
四年辛亥日刊魏爾始作志尚  
志謂其迫於成命事多簡

鳩刻工瑣屑煩穢越兩載而告成  
竊曰石邑福小視寧都瑞金田賦不  
廣戶口不繁無異激金精之名勝  
無魏林子楊惟節之父章僻陋一  
隅亦足以志歎余曰不然十室之邑  
必有忠信十步之內必有芳草苟



何可輕視與夫四十年来分野如故  
山川如故城郭田疇都圖鄉村街市  
壤集如故此不之志也其固忠臣孝子  
義夫節婦嘉言懿行表率一方  
同風興起亦不之志與而嘉慶八年  
十月奸民滋事邑令李君聞警馳

歸安百姓募鄉勇守城池與夫諸紳  
士奮不顧身親冒矢石保全地方不  
數日而醜類悉平此而不志其將何  
如而後足志耶况夫琴灑雙流二華  
夾峙靈鍾秀毓實啓人文視昔溫  
萃之捐家資市監書陳晉公祖孫



陳彥章父子文德武功班班可考自  
今以往所知古今人不相及無繼起為  
烈者身是又在後之君子秉筆續書  
大書特書屬書不一書已也

道光四年六月知石城縣事 涇川  
朱一慊謹序

道光元年余謁選得石城宰  
秋半蒞任即奉檄取郡縣事  
實應

詔脩一統志明年春江省通志寧  
都州志各設局交徵文獻余乃  
進摺紳父老而告之曰邑志刊自



乾隆庚子歲距今垂四十餘年  
前任奉 大憲屬劬績修不果  
茲當名志並興庶幾脩廢舉墜  
相典應命乎皆曰諾於是擇公所  
遠首士議經費勸捐輸或司採  
訪或任分纂或專校對後抄胥

畧今六副本各存崇正十六年  
癸未知縣尚公承業重修迨邑  
明經陳子文露纂輯義例謹  
嚴考據不致遺我

朝初載知縣董公應譽有事舉修以  
時方寇警未果卒業也順治十



五年戊戌知縣郭公堯京踵修  
之志未尚志為權輿事皆核實  
質而有文今其書在可按也乾  
隆十年己丑知縣王公士傑纂定  
失則冗矣乾隆四十六年辛丑知  
縣楊公柏年敦請邑名宿黃明

府蘅臯專其事刪除繁縟深得  
簡要今屆修葺不啻容踵事增  
華但義例稍有未協者正之而於  
學校增先賢先儒名暨鄉賢忠  
孝節義之在祠祀者崇秩祀也  
於書院載院規膏火租石備稽



考也其各類中原載事雖仍舊  
文間從新悉本

邑侯手定示不敢專也新入諸類遵  
憲揭榜方行採入而藝文志祇錄  
賢侯阮學博數首吾國風勸概從  
割愛從去例也友百里提封數百

年之事實載紀僅七八帙所謂存十  
一於千百非歟然較之徒事後陳  
亦簡而又矣况

賢侯起凡之精立例之密去取詳畧  
一字一句之慎風夜勒馬後之作  
者其亦有感於斯文



道光四年歲次甲申之秋里人  
許瓊謹撰

*（Faint bleed-through text from the reverse side of the page, including characters like '石城縣志' and '許瓊'）*

明崇禎癸未志序

知縣尚承業陝西人

予令石城因求山之所謂東西華者而登焉山與城相望而立其高雖不能千仞削成若太華之雄其鳥雖不必可禦火若少華之異乃余家秦去兩華既不遠官於斯又得東西華搜討其間華於予若有夙好焉而於予獨相值也爰抽架上志取所謂東西華攷之其生於此者雖不必如吾兩華間班馬杜韋其光氣能熊於今為烈而文猷若晉公武績若太尉且簡素高尚君溫公華山川人物兩有其重而因以重其志志於石城焉得荒遠少旃哉願入明自魏學博備而後志卒殘闕弗修予心傷之明經陳君露者



石城縣志  
為任其事志成而使後乎此者讀是書而知為予之令於  
此者之所為也庶幾其有以謝山靈乎嗟乎予令此土已  
七年於今矣回憶兩華不啻故人之耿耿余懷今予且謝  
事歸其於東西華者又如良友之去予左右焉唯此志時  
在几案間即山之顏面雖遠而山之精神猶若存焉則予  
於是志又何能已已也或曰兩華於君為家山其不能去  
心固也所謂東西華者客耳烏用此戀戀為余則曰否否  
人生總客耳且予之家於兩華者久而官於東西華者暫  
也予繇官而歸得兩華者遊之無異故人之再遇若所謂  
東西華者非是志而良友將不復晤言矣則予於是志何

能已已也



明崇禎癸未志序

遼州知州 廖應兆 邑人

從職方氏問其山川風物及其事辭而紀之則志之為書  
繇來尚矣顧所志者常繇志者之人以為佳惡譬則畫然  
雖有匡廬鴈宕令庸手為之其窳窳鎔紆迴峭拔之勝  
弗能摹也而或反貽之醜陋尋常邱壑一經倪迂米顛之  
筆便覺石真可枕流真可漱竹真可君呼而松真可大夫  
爵也嗚呼文字誠非小技志於文字中尤豈其易言者哉  
石城居瀨水上流之最其為縣起南唐闡明凡數百年於  
此前乎此者代不必盡有志志又不必盡得其人覽者多  
弗滿於縣而唇之以為是荒且陋如此焉則是所志者以



志之者而受其惡非縣負志者而志者負縣耳縣之大令尚公九厓先生嘆其蕪雜而不可讀也屬予友陳子子文為載其筆志成而予有感於數百年所為踵弊習非而忽新之且晚間者有如此志事以一人興豈不信哉夫志僅為一縣作似事非異人任類無不饒為之者迺其體則如國之有史家之有譜有見有聞有傳聞事兼疑信任備剗因核矣而或失則質文矣而或失則浮非有慧心人出其獨往之力討論潤色烏在其成之美而愛愛而行遠也予文由明經貢於宗伯者已有年矣以其奇俊辨博之才使即走闕下出其篋中書以獻右文如今天子當無不詫異

氣之凌雲若漢武之知長卿顧不仕而堅卧一閣祀繡佛其中日容與於花香瀨響以有此志即子文富著作不必以此志重而此志之以子文為可久也識者定不河漢予言而以予為私子文者矣



明崇禎癸未志序

陳 露 邑人

志之久而未修也露大父慮之其於邑事無細耳眼所到  
即為呼管又從而委委原原曰邑乘裁料歲壬午大人  
長者起而議修知露先手之澤存遂委露復遍索諸君子  
之所撰者具送山軒備采固辭勿許夫石之出拔才夥矣  
胡然鹵拙者之必役也大抵工十四藝而為二闡計者鞠  
晨究夕魂夢為勞投紱歸田者詩壇酒社日游馬而未可  
摧撥及是者都無暇也露塊然窮賤察葉廉花此外一無  
所事事役露者徒以露暇耳非才露也於是取內外志草  
偕行刪定彙次而為十卷



順治庚子志序

知縣 郭堯京 關中人

琴江志一修於宏治辛亥再修於崇禎癸未俱兵燹後不可搜討

皇清順治己丑昔賢董復志之爾時文獻僅存延訪未博觀者不無遺憾云京久欲進邑之老成典型者與謀斯事顧自以為三年拮据寸長莫効欲庶幾昔賢之已治已安者萬分一不可得而哢哢焉邑乘是講則緩急督也今大中丞佟公以瀛海人瑞維憲虔陽下車之後整肅率屬百度肇新顧虔之黷宮圮弛大懼重地敝陋無以為率屬冠冕慨焉葺而新之徵志下邑將彙覽焉京不敢辭遂揖邑之



老成人而告之曰自中秘之紀載達郡國而縣邑例有志他如山有經水有註博物有圖雖自成為一家之言其於著禮俗以備勸懲肅風教而示來今無當也原夫古之所以為志之意將使後之人按其圖而識之曰某某也是常牧斯土長斯官者也是吾祖若父瞻仰愛慕惟恐一日之不居於吾土者也某某也是吾祖若父咨嗟愁歎惟恐其不速去者也某某也口無擇言身無擇行學醇而節嚴是吾邑之先達人望也他如孝子悌弟義夫貞婦皆所謂邦之彥兮可觀可感標軌範於里閭歷千載而發幽光者也如是者著禮俗而厚風教志不謂無補則志之不可以已

也况重以鉅公卿長者之命乎然則是書也貴直不貴隨貴質不貴飾也亦明矣若乃先敦行而後文學先人品而後形勝先風俗而後物產諸君子虛公而採之載筆以傳之又無俟京之更僕也書成將進之大中丞以覈厥實諸君子乞京端於簡京不敢辭焉姑以俚意記之



乾隆乙丑志序

知縣 王士宗 碑人

聖天

子統御區宇宰化調元分疆別界列為郡邑一切休養教化修廢舉墜之任委之羣百職事以理萬民邑有長吏責綦鉅矣予生長北土不諳南俗家大人開府三楚復巡兩湖少時隨任因得觀覽兩省通志又川途歇歷舟車往復南中風土人物山川已領其槩西江界楚越之間風教豈有殊焉癸丑捷南宮成進士由銓選承乏琴江思欲宣示皇仁體承先志舉凡宜民善俗興除補救夙夜殫心惴惴以不克負荷是懼竊謂事自小始政先大功邑中若

聖宮義學城垣邑乘或頽或廢所係匪輕次第修舉予責也癸



亥秋觀察朱公按部巡琴見

學宮煥然義館創立極蒙獎許乘間更以城垣邑志請愈益  
嘉尚勉予興事勿緩爰集鄉之賢士妥議兩舉並興捐助  
者不勸而徠承辦者不鼓而勵年未期而城又竣志書亦  
已就緒夫城與志盛典也兩舉之匪易事也而敏效若此  
敢曰予政成哉關民莫者民自相關切士心者士自相切  
有其倡之無弗舉耳獨是琴之舊志不免因陋就簡踵謬  
承謬欲一一釐定種種增華較城工更為難葺幸邑中羣  
賢矢公矢慎蒐羅考核畧者詳之為者訂之事無繁稱詞  
無溢美駸駸乎一邑信書並雉堞池隍共昭不敝之功也

然此二舉固諸賢之力亦長吏所應知之事藉以塞守土  
之責予雖不敏與有光焉是為序



乾隆乙丑志序

德安教諭陳 伺邑人

邑志之繫懷有年矣其間所為條理紀綱者同氣之人未嘗不心焉商之當不使如斷爛賬簿可堪嗤笑也顧有懷未遂迨癸亥春正邑侯王公慨然主其事而同氣老成但作古人惟余幸留甚喜其得以目睹也又恐後輩祇仍舊志而山川土田里圖鄉村只成間記政教人物時事風氣只舉大凡又况採取不實聞見未確不免以贗成真將若之何適是歲冬仲余鐸職蒲亭乞休得以甲子夏中旋里不問外事乃志館不以為髦通於邑侯請繼其事季冬乃就館而金谿劉孝廉聖我黃子公輔溫子遜周與家紀昭



出其編輯成帙者以質檢閱之際重加反覆煥然與前志  
改觀因不揣愚慮增以補綴加以釐定至兵寇卷內為邑  
郡志所錯紀而弗恆辯別者蓋有得聞之前人見之當日  
非同影響浪談也乙丑秋聖裁遜周以公車旋又舉所疑  
難者重加折衷復經旬月而志告成余因是從而歎焉形  
勝參而表著或至於閤汶弗貴也事物煩而叙述或至於  
散漫弗貴也是非在而措置不當入於毀譽弗貴也今昔  
異宜而遡源及流利病不彰弗貴也此志也諸君不憚心  
力以其盡能事雖未敢言美善而於所弗貴者或差免焉  
其亦可以備文獻之考徵也歟

乾隆庚子志序

知縣楊栢年 瀛海人

環百里之廣而邑之就中疆域道里居民風俗之不一士  
大夫弗能臆揣也而山川靈秀蜿蜒鬱積以鍾於人其文  
章行誼綽有可稱者又未易屈指數也邑之有志凡以綜  
二者之難俾釐然就舉爾已顧或文繁理富而事不指適  
亦無以信今而傳後左太冲有曰玉卮無當雖寶弗用侈  
言無驗雖麗非經志繫以邑又其地圖人物習俗之所在  
其不可以虛而無徵也尤甚石城地居章貢上游界連閩  
汀萬山疊嶂中耕桑畜牧素稱饒衍且俗習淳樸無奇衰  
媮惰之風而所謂忠信材德義夫節婦亦不絕于其間安



石城縣志  
可使之泯泯不少概見哉先是乙丑歲曾經踵修邑志逮  
茲踰三紀矣邑中紳士復有是請予以謂

國家久道化成農桑樂利之澤四海均沾石邑雖僻處方隅  
而其風土人民經

本朝百餘年來之休養生息宜其純固敦龐蒸蒸日上進邑志  
之增修是烏可緩第修辭之不易也一以為立其誠一以  
為尚體要予因是進諸紳士而諭之曰美物者貴依其本  
讚事者宜本其實是役也其無外無飾為善抑又有說焉  
文不雅馴搢紳先生難言之予於是又進諸紳士而諭之  
曰是役也或沿波而討源或本隱以之顯其選義攷辭可

也循是以求則於疆域道里之經畫居民風俗之醇茂皆  
井井有序瞭然在目俾按籍而稽者恍然仰見

聖天子之深仁厚澤雖遐陬僻壤皆得蒙被而於以成其禮教  
之俗也是即守土者之所重望也夫



乾隆庚子志序

廣西永福知縣 黃鶴雯 邑人

一邑之考徵萃於志而志之盛在邁其時邑建於南唐界連閩地疆域山川土田自昔猶是顧際

聖人

在上建極綏猷恩施優渥編簡昭垂遠邁唐虞此紀載者

朝

所以不能無歡欣鼓舞于其間也夫自南唐入宋由宋遞明其志既不可見所可見者崇禎癸未年之志而已逮我則一修于邑侯董再修于邑侯郭三修於乾隆乙丑邑侯王茲逢我邑侯楊政通人和百務具舉念邑既隸於寧而志尚仍其舊不可以不修于是請命于大吏命鶴雯握管從事始于今年春杪閱八月書成繫維志之盛也最爾邑



僻處省會上游無珠玉金貝絲繡之饒而惟粟布是利山林陂池之產可資以生者民日趨焉服衷而不靡器樸而致用入無宴佚之聞出無淫竒之好革薄從忠風俗日上則輿地志之慶也

聖聖相

承恩膏疊沛生齒日繁隩奮日闢而丁役亦不加編審永停蠲免之

詔書

數下則志田賦者之慶也制度大脩建置日增教成於上而化成於下貨力不為己私捐贍因之日益則志經制者之慶也官司奉法而廉惠者接踵

恩科

數開而登進者日廣則志秩官選舉者之慶也賢士傑人

孝子悌弟貞婦義烈日以衆多則人物志之慶也志有紀事有藝文自前志之修闋今三十餘年雨暘時若災沴不作搯觚而咏其休有和平之節無礁殺之音則可慶者不既多歟飲和食德日飲焉而不覺萃斯志而闋之真不勝神王意揚者區隅之廣可占海甸則豈惟一邑之幸即可推寰宇之幸也篤實樛材謗陋鄙劣就舊志而芟其繁蕪增所未備核其詳志其實蓋不勝兢兢焉爰撮其槩而為之序



繪  
圖




北  
地輿全圖

對四此至治鼎界都寧



西里十八此至治鼎界都寧



南



縣志圖

北

苦竹嶺

大嶂

雙峰頂

李楓石



東

山華東

山華東

西

大馬嶺

騎馬嶺

普濟堂



南

大通

塔福堂

塔福堂



縣署圖











書院圖





見葵堂

鐘鑑堂

明休連閣

琴江書院




琴瑟以境









貴密拱翠










塔影江心


宝福塔

嘉善堂






烏嶂松雲





門西







姑嶺桂月







龍岩瀑布






琴泉雅奏





接蓋丹砂



岩光老

洞石

石橋

塔厚大

崖平木





主修

石城縣知縣 朱一慊

協修

石城縣教諭 鄒捷元

石城縣訓導 阮麟書

纂修

進士 黃穎

歲貢生 許瓊

歲貢生 潘瑞駢

分修



歲貢 鄧必賢 生

拔貢 劉正育 生

舉人 溫應選

較對

廩膳 陳森 生

增廣 溫朝棟 生

總理

監生 黃永謀 生

貢生 廖賡 生

生員 曾恂

收掌

生員 黃流瓚

廩生 陳易簡

採訪

生員 熊銳

生員 鄧寅賓

生員 李之華

監生 黃耀寰

監生 廖林輝

監生 黃郁莊



監刊

監

生

温文寶

職

監

熊文蔚

監制

職

監

熊文炳

生

員

温騰輝

附錄歷修舊志姓名列後備考

崇禎癸未志

主修石城縣知縣尚承業

督修石城縣訓導彭允中

纂修歲貢生陳露 同纂生員陳禎 生員賴璜

攷輯生員陳王道 生員陳文鄉

參訂生員許有成 生員陳大穎 生員熊尊德

生員賴璠

較閱生員賴焜 生員熊璪 生員陳霽

生員熊瑤



順治庚子志

主修石城縣知縣郭堯京

督修署石城縣教諭謝均

石城縣訓導朱東升 鄉官曾懋明 劉佑

舉人溫朝縉

纂修貢生鄧斗光 貢生許有成 貢生陳露

貢生鄧辰 貢生黃選 貢生溫朝絃

貢生李文昌 生員周鴻卿 生員黃日曠

生員熊鍾祥 生員黃尊 生員李白中

參訂生員陳經次 生員廖宣 生員李自隱

生員劉思章 生員陳超宗 生員熊尚遠

生員溫廷捷 生員鄧遇 生員鄧永錫

生員熊璣 生員賴彝 生員廖中性

攷輯生員黃鑑 生員黃韶 生員賴一振

生員廖攷 生員溫朝銳 生員周之德

生員許仲本 生員黃新

較閱生員陳尊王 生員黃元 生員潘上

生員李喬 生員黃鎔 生員陳嘉謀

生員溫富麗 生員胡來臣 生員溫琪

生員許晃



石城縣志 卷一  
乾隆乙丑志

主修石城縣知縣王士傑

督修署石城縣教諭梅廷訓

石城縣教諭何振宗

石城縣訓導辛金鑑

纂修金谿縣舉人劉飛熊

原任德安縣教諭陳倜 舉人溫輔袞 廩生陳同倫

廩生黃之佐 廩生黃明

分修進士原任山東青城縣知縣黃軒臣

進士李冕 舉人潘國逢 舉人溫朝榮

舉人龔沛

較對舉人溫成理 拔貢許琮 廩生劉金礪

廩生溫洪濤 廩生溫貴樞 廩生陳國顯

廩生熊霖 增生陳宏仁 增生賴有吳

生員陳謙光 生員熊廷龍 生員黃希孔

膳錄生員黃种 溫鵬達

總理生員熊銜 監生溫濱 監生溫必榮

監生黃廷正 監生黃崇熹

乾隆辛丑志

主修石城縣知縣楊柏年



纂修石城縣教諭吳仁

石城縣訓導李瑛

纂修舉人原任廣昌縣學教諭截選知縣黃鶴雯

協修增廣生員熊兆蘭

校對拔貢黃鳳雯 貢生黃希喆 生員崔以任

生員陳煥新 生員黃召相 生員熊廷揚

生員鄧逢泰 生員吳廷颺 監生鄧攀元

膳膳監生廖錦標

總理生員温大觀 生員許鳴皋

監刊原任福建建寧府浦城縣巡檢黃德昌 監黃應

增廣生陳玉輝 監生温儒培 監生温儀鳳

監印原任山東濰縣縣丞陳世正 監生温雅瑗



凡例

舊志修於乾隆庚子歲悉照王志分八志為綱內分小目極為明晰但城池事關建築不宜混入輿地內今改入經制志列公署前重首務也

一志本尚董郭王四老志者即以其姓註之乾隆庚子修者註曰舊志其或採省志別志他書者亦一一註明循舊例也

一星野載簡端凡志皆然獨張損持太史修贛志不載以禹貢揚州之域天文分野在斗於辰則丑於次則星紀於宿則斗牛揚州統江南浙江也而謂斗獨江西乎循



其說一省之分楚尚不足據况蕞爾一邑乎必指為某  
度幾分則鑿矣然舊志已分一目參魏太史令陳卓之  
言論甚通脫今仍之

舊志論二十四氣七十二侯天下皆同其不同者亦省  
郡不以一邑異也悉芟之其亦從同不書之例歟

風俗王志太繁舊志從簡謂禮同而名異者固無庸書  
日用瑣節尤不必書今只舉其大槩無浪墨也

田賦志悉遵新頒賦役全書

經制志學校最詳懼失實也書院膏火尤為養士先務  
計租若干經費動支若干 上憲批定章程逐一詳載

誠恐將來妄有更張不能畫一無以垂久雖譏瑣屑亦  
所不辭

一學署公地僦民蒔藝歲納園租依學中須知冊逐一載  
入存考覈也寧煩毋畧

一職官志知縣之稱我

朝仍明制也晉唐五代稱縣令宋稱知縣事元稱縣尹舊志  
於元書縣尹是矣於宋書知縣則不合一字之失亦非  
所以傳信故於宋增一事字

一署官舊志不載姓名其實有功德及民者書之美循吏  
也武職亦書重防守也今仍舊增載



石城縣志 卷一  
一倉廩事關建設舊志載田賦內殊不倫今改入公署後  
一人物志凡鄉賢忠孝節義前志所載悉詳列不遺尊  
國典循原載也後有繼美者亦照類悉書

一書言惟孝友于兄弟未有孝而不友者自應編次相連  
舊志分目友恭次于武畧未免倒置今改入孝子之後  
文儒儒行之前

一人品美行可紀者必蓋棺然後論定否則一人之身先  
後判然昔人謂褚彥回使作中書時而死當為一世名  
士此足徵矣故凡生存者雖聲稱藉甚概不得書惟婦  
人未三十守節現年踰五十者例得旌提雖無力申請

亦採入志彰幽貞也

一藝文志舊志以有關政績修建名勝及前賢名作方採  
入志茲仍舊例倘無關係雖屬佳篇概從割愛

一舊志文傳內間有未穩愜處稍加改訂文雖從新事實  
仍舊非強為更張也

一昔賢邱墓舊志附古蹟後意謂芳踪遺跡憑吊者過墓  
生哀然事關經制非古蹟所存也今從通志另立塋墓  
以漏澤附之後其類也



石城縣志目錄

輿地志 卷一 四十七葉

星野 山川 形勢 沿革 附邑號

疆域 附程

坊鄉 圖里 街衢 井埠 集場 陂澤

物產

田賦志 卷二 一十四葉

丁口 稅糧 鹽課 倉穀

經制志 卷三 一百四十二葉

城池 公署 倉廩 學校 附學田 書院 附書院膏田

壇壝 廟宇 寺觀 坊表 兵防 較場 隘保





寨鋪 育嬰 養濟 邱墓滿澤附 橋 渡 亭

官師志卷四

知縣 教諭 訓導 典史 防守 名宦

選舉志卷五

進士 舉人 武科 貢生 例貢 應例 薦辟

武職 贈廕 戚畹 掾史記仕

人物志卷六 二百三十葉

鄉賢 忠臣 孝子 友恭 文儒 儒行 武畧

義士 隱逸 僊釋 頤壽五世附 方技 列女

類傳 旌善 寓賢

紀事志卷七 三十一葉

武事舊志作兵寇 祥異 古蹟 軼說

藝文志卷八 一百三十五葉

序 記 傳 書 雜著 詩

以上輿地至藝文七百三十五葉外又序圖凡例目錄人名四十八葉總共七百八十三葉



石城縣志卷一

輿地志

星野

山川

形勢

沿革

附邑辨封爵

疆域

附路程

坊鄉

圖里

街衢

井埠

集場

陂澤

風俗

物產

郡縣釋名云山多石聳峙如城故名為江右東南一隅然而左控八閩右引東粵嶺嶂重重居然形勝南唐建縣有由然矣况夫山著丹砂水流琴韻其間繡壤相錯則有坊鄉里圖土著質遷則有村庄市鎮沃衍可井膏

涇縣朱一謙纂輯





石城縣志 卷一  
隰可牧物產繁茂亦體國經楚者所不廢也流而為風  
習而成俗雖曰土風實圓而唐魏勤儉遺意猶有存焉  
作輿地志

星野

星之與土以氣相屬而不繫於方隅此僧一行之言靈輅  
入理足壓諸家之說石為豫章屬邑密邇閩屬之寧化魏  
太史令陳卓言豫章入斗十度閩為牛女之墟然則石其  
介斗牛之間歟顧於宿必求專值鑿矣政使有專值而一  
宿中星躔度數如龔敷杜佑之說即得宿之度而外居縣  
又分其度之數或半數或一數以至四五數豆剖而瓜分  
之務得江以西者又得江西之石城者譬之以髮屬心以  
鬚屬腎乃至一鬚必求一鬚之水源於腎一髮必求一髮  
之火種於心微乎微難之矣天事渺茫寸寸而董之毋乃



石城縣志 卷一  
以精鑿而反失之乎書難盡信毋輒引牛斗間實氣決其在豐城之類者用相橫折也訂郭志

山川

扶輿磅礴良峙坎流毓秀鍾靈降生人物石雖僻邑無高山大川然而仙跡留傳名人玩賞可識其面目與源流所在其在

石中里則有

貴人峰 城南五里聳秀離位如端人正笏而立唐楊筠松過此愛而名之又傳劉仙姑飛昇時痊鏡於此其峯前揖 學宮為邑八景之一曰貴巒拱翠

騎馬嶺 城西關外半里其巔平行俯瞰城闌朝昏異狀琉璃山 城東五里舊傳秦末劉華家其上有女瑤英啖



異菓仙去故曰劉離後易以此又名仙姑嶺列嶂如屏  
正東兩峯相對中一坳每歲中秋夜皓月從凹上如鏡  
在架前後夜俱偏斜左右此為邑八景之一曰姑嶺桂  
月

西華山 城西五里舊名烏石嶂古松夾道壁立千仞為  
邑輔龍頂有仙壇旁有寺顏曰天中天登眺時佳氣盈  
城象山若螺大江之流淨如匹練每遇雲起山麓及巔  
籠罩萬象為邑八景之一曰烏嶂松雲

五龍巖 城西五里巖為西華之麓懸瀑數仞下一小潭  
深不可測志勝云唐貞觀中土人見龍眉五老笑語巖

中跡之烏有惟五龍交戲潭中土人驚怖走疾風急雨  
隨之遂以得名巖壁鐫宋少師陳孝家書清勝五龍巖  
數字巖中多題咏碑又傳潭底有竅潛通城西之赤江  
灘為邑八景之一曰龍巖瀑布

雙飛蚨蝶 城西北五里兩石橫展如蚨蝶飛狀為縣龍  
後嶂

屏風岫 城東南七里形若屏風中一峯尖秀較貴人峯  
高過數仞

石門嶂 城西北八里為縣龍中支脈

石笋 城東南十里拔地數十丈望若丹霞左從石門入



石城縣志 卷一  
仰觀一竅如牖天光直射洞中右一洞亦然上聳絕頂  
猿狖不到昔聞夏月偶墮荔枝人有過而拾者為邑八  
景之一曰石笋干霄

通天岩 城東南十五里石壁高聳其赤如霞登麓三百  
餘級松盤數十株濤聲聒耳更歷二百餘級左一巖羅  
以土堞曰猴子城級盡處開大壑中一石巖特立曰通  
天巖形上合下開高廣約兩尋丈內如掌合外若兩大  
指之合頂泐新月形現出天光巖畔相望一橫石曰欽  
階石險道曰船舷舷之下臨百仞曰萬人坑左徑通岩  
者曰篁塍有上下二名入內有試劍石形劃而開岩頂

曰篁淀元至正末陳友諒餘黨踞此邑人劉元杰於元  
末亂起率義兵居民因此得全取邑圖籍貯若左麓之  
巖曰淨土舊志曰王籍巖巖內外戶從外穿入內方廣  
可二丈懸絕處障以窻櫺飛瀑從巖右瀉下一泉一石  
無不詭竒

天馬石 城南十里狀如犀馬前後奔騰

鯉魚石 城西十里形肖鯉魚挿出大河之岸

下五龍巖 城南十五里舊名前巖半崖展一寬廠地建  
刹刹後有乳泉隱隱起龍紋頭角爪尾皆具頂泉左右  
雙飛而下大旱不竭



東華巖 城南二十里庵倚半巖

石耳岩 城西南二十里形若披髮羅猴四面石壁峭立

常產石耳取者以雙索貫木板從岩頂懸縋而下

拜經巖 城南二十餘里徑幽僻巖外三巨石戟立小溪

中其一尖若笋高數丈絡以古藤巖衍如長廊

陳坊岩 城西南二十餘里山勢陡絕半壁石花結成大

士像因構庵其下

中華山 城南三十里兩石夾澗上架石樑舊傳為劉仙

姑紡績所

露布巖 城東南二十里即巖為庵位置天巧

仙跡石 城西南三十里有二處俗呼仙人打筋斗

羅漢巖 城西南三十里飛瀑喧阗中有石鼓

梨子嶺 城西南三十里寧都界其在

長上里則有

李獵石 城北三里舊名迎恩石頂見南豐縣軍峯山

按李獵石前代李邑令曾射獵此山故名記賢侯遺

跡也道光初年石門吳君我山偕友遊其上見巖間

有石鯉形維肖土人云天雨瀑飛石鯉恍迎流欲上

作奮鬣勢疑當名鯉鬣石云亦可廣一說

普庵巖 城北五里泉流不竭近巖之田賴以灌溉



華蓋山 城北七里高數十丈頂一石高丈餘下銳上廣平而圓狀若麾蓋名錦繖石宋中葉一令與邑紳左詢形家曰此地鍾靈何山曰在錦繖石遂鑿伐仆之山下石今存

筆架山 城北十里狀如筆架

苦竹嶺 城西北十里山勢綿亘為邑龍脉

廖家山 城東三十里東華山腰之半廖氏世居其下

東華山 城東四十里又名白水頂跨寧化石城二縣為南龍之祖高萬仞尖削挿天頂建三仙祠眺望南城如斗大每歲一度霹靂大作電光遍繞祠宇遺氣作數日

鍛腥土人呼為洗殿雨其在

石上里則有

金龍峯 城北二十里俗呼為籠嶂聳拔特立頂建三仙祠

鳳翔山 城北三十里狀如飛鳳

榮華峯 城東北三十里上有仙壇

石龍嶂 城東北三十里上有仙壇

龍骨岫 城北四十里山頂多泉竇絕壁飛瀑中忽一石裂開見獨間子來進思漢輔八字書法遒勁不知所謂

筆架山 城北四十里蒼潤秀琢屹立數十丈日上時紅



光幕頂

天馬砦 城北四十里山勢騰起若天馬之矯首嘶風頂

多佳木菁蔥若馬鬣四週遙矚恍一片赤城霞也

高南峯 城北四十里廣袤五里許頂可摩霄俯視城郭

村落如疎星散布

柏木嶂 城北四十里鴻巒遠岫橫亘五里中起圓峯挺

入雲表雨後烟光嵐影黛色若抹

拉石 城北四十里三石層疊高數丈狀若紗帽又名紗

帽石下一石高丈餘冠髻莪莪雄峙道旁名雞公石

觀音閣石 城北四十里兩山對峙陡起巨石高丈餘構

閣祀大士像沿溪皆巨石有肖鼓肖鯉魚者中一行次

第排列可度遊人水從石罅而出聲如伐鼓隔岸石椅

有仙人坐跡手足痕深寸餘

龍頭石 城北六十里狀如龍頭有泉又名龍泉石

雙髻峯 城東六十里

古嶺 城北七十里廣昌界其在

龍上里則有

夫人嶂 城南三十里上有神祠相傳為陳邦光夫人魏

氏居址

河坑嶂 城南三十里石泉澄沁飲之味甘徑出五里曰



河田溪心突起一石回環皆水俗名鍛鉄石

洪石岩 城南四十里狀如伏猊攀磴及頂入石門寬廠平豁有松竹蒼翠夾道頂有巖內祀夫士像巖下石結庵曰獅吼寺曰辨嘯亭石泉一泓可掬右為出米巖舊傳出米今巖內砂酷似米色紫黑轉而南為獅子巖四面峭壁路只一線有出油巖及梅子龍頭金雞牛蹄諸巖又有洪巖二一在岩之腰通寨門為上洪巖一在岩之麓為下洪巖明正德辛未嘉靖辛酉崇禎戊辰土人率於此避寇其岩尾又有圓對寺今廢

小岩 城南四十里山峯巒岷逕由兩石峽紆折半里許

盤磴而上岩口有庵曰巢雲由庵左緣崖抵石門俯首入偏仄如鳥道石壁半有巖曰三仙方廣數丈架屋臨萬仞極幽邃怪特之致

滴水巖 城南五十里巖口生成一紫石門巖頭懸溜散珠晝夜滴聲淙淙下甃以池題曰小龍湫寺上藉巖下因唇址右與巖頭滴水相即額曰錫泉香噴坐此如水簾水洞中

樓垓嶺 城南五十里嶺有巖洞兩旁皆石中一路望之若梯明季龍岡鄧聲吾費重資鑿開以便行旅貢生賴彛有記



梧桐巖 城南五十里結庵巖內一石如梧桐株作几案  
老虎竦 城南八十里康熙丁巳腊月滇逆將韓大任敗  
走由寧都王陂至此遇我

朝

大兵追至逆盡殲大任以數騎遁閩汀

八卦頂 城西南八十里上下有三龜湖其在

豐上里則有

樓蓋山 城北三十里即丈夫嶂舊傳陳邦光家其下巔

簇五石高丈餘俗呼五雷出洞頂有巖曰仙桃巖石大

小不一類桃者頗多方平磊磊中一石肖獅張口而笑

矯其舌獅之頂一巨人履跡痕深數寸內有石几石牖

廣輿記載宋楊真人煉丹處真人名文逸母夢羽人志而生後任玉山縣一文夢

懷玉山人而生孫億遂棄官學仙至此又傳宋進士許褒下第讀書於此

亦名讀書巖嘗夜見火光熒然登頂見南豐軍峯山又

名望軍山為邑八景之一曰樓蓋丹砂

寶山 城西北三十里與前山曰小蒲頭者相望兩山如

圭琴灞二水夾流環繞夏蚊不生清涼界也新坊廖忠

立于山頂建佛寺

登雲峯 城西北五十里高聳特立作縣龍之祖

禪山 城東北五十里巖瀑飛瀉中一石如龍其在

禮上里則有



石馬峽 城南五十里其石似馬伏水中頸上草繁若鬃青則鄉中馬肥黃而萎則馬瘠且疫

驚公嶽 城南八十里山勢陡絕路徑險巖山後為瑞金界

賴家山 城南八十餘里跨瑞金汀州界上有三峯峙立古樓嶽 城南九十里山勢由廣東歷汀州來作兩江閩

浙省會龍脉

八險嶽 城南一百里跨瑞金長汀界其在

柏中里則有

南嶺 城東五十里山勢連峯陡聳狀若芙蓉又呼為

芙蓉嶂福村劉氏世居其下巔石為閩浙通衢古松千餘株盤石磴而入行者忘倦

龍角石 城東五千里狀如龍角

石窟 城東五十里澗中一石竅幽折不可窮詰飛瀑上瀉盛夏若風雨之集寒栗逼人疑有蛟龍宅其中

綿嶺 城北五十里與牙梳山相連

魚骨磔 城東五十餘里萬山間石崖倒垂小潭深靚巖

上飛瀑下注蔽潭口內有拳石曰鷄心禱雨者墜崖抵

石上舉篙投辭須臾旋波若汲狀既入即出緣屋上奔

風雨立至相傳張氏子名古三化龍於此舊志作姓古



名三今從張國彩遊巖前嶺龍潭詩小註訂正

南嶺 城東六十里寧化界

七姑尖 城東六十里孤峯峭拔上構仙壇縱目曠達山

山如圍下臨溪濱古木參天枯籐倒掛怪石嶙峋高者

丈餘中一巖祀觀音像

高筆華 城東六十里峯勢尖削頂建仙壇兩崖如壁一

嶠若橋俯瞰山址不可尋計蜿蜒里許曰吉瑞岩洞壑

宏敞泉從山竅咽澗而出週圍山窠並險峻

橋窩山 城東六十里兩山夾澗山上怪石異卉嶙峋

蒼鬱長五里許沿溪巨石纍纍狂瀾奔駛聲吼如雷中

一石闕高丈餘飛淙緣崖如噴珠下有龍湫深廣四丈

餘旁有石几石盆好事者值溽暑時板古籐上沐浴

銅盤石 城東七十里澗邊一石如盤澗內一石有虎爪

痕

石澗 城東七十里天然一石門泉注門外成二小潭濛

洄乃出

光山 城東北七十里山下出泉味頗甘患目者洗之效

獅子巖 城東八十里一石肖獅立山溪旁

碑山 城東北八十里聳峙如笏

牙梳山 城北九十里跨寧化廣昌二界兩江閩浙悉祖



石城縣志  
此山為縣北一巨嶂分三十六面延袤八十餘里周匝二百餘里登頂與南豐軍峯山相望元延祐初綱鑑書贛州民蔡五九起兵於此石將軍石牛欄石馬槽石床橈石杆白猶存頂有天池狀若蓮花其水深廣瑩澈其水則有

大牛嶺水 城東北九十里柏中里寧化分界水後山半石罅中出坐不嶺懸崖飛瀑而下經上柏昌挾鐵爐坑水流下柏昌歷魚骨磔龍潭踰福村抵豐山達琴口木馬坳水 城東北八十里柏中里寧化分界水流石磗至堂下夾筓竹坑黃柏嶺二水會合溪一流十里繞巖

前嶺巖通磗入峽滙魚骨磔潭至福村歷豐山達琴口上留地水 城東北七十里柏中里水出山田坳整頭村田源流南嶺麓滙魚骨磔合溪二水下龍潭經福村挾赤江小澗合養馬墩水流福田至豐山達琴口

遙嶺水 城東八十里柏中里寧化分界水後茶淵重峽中流石壁下合深溪水至遙口歷豐山達琴口

劉家寮水 城東五十里柏中里寧化分界水出山腰九棘排流桃株至圓沙裡滙南家庄滑石溪諸水入桃株口達豐山入琴口

牙梳山牛牯嶺水 城北九十五里柏中里寧化廣昌分



界山頂天池水流下坪高崖夾礮怪石嶙峋扶鷹子岡  
小坪富二水導高田滙龍跡温家地黃沙逕諸水歷湛  
溪送口合遠嶺深溪水至養馬墩滙福村水至豐山達  
琴口

池家坳水 城北七十里石上里廣昌分界水出山礮流  
東坑至聯坊歷大琴溪流湍急灘石峻峭繞上坑至琴  
溪注琴口小江

桐樹嶺水 城北六十里石上里廣昌分界水從嶺腰南  
流楊坊木蓋上坑琴溪注琴口小江  
以上八處之水經各村落夫分縷析至琴口滙合為

一足為琴水琴口右上為琴溪村其水淙淙作琴聲  
為邑八景之一曰琴泉雅奏按此溪原深潭澄澈近  
被沙壅此聲不復作矣

塹上嶺竹子磔水 城北六十里豐上里廣昌分界水出  
高嶺下流串頭山殺牛逕至耽溪出肖口滙諸水至蜀  
口注灞口舊志誤  
今改正

鐵樹坳水 城北五十里豐上里廣昌界水出石峽台大  
小溪源經桐江滙畚下大桑埧諸水歷許坊過蓮花寨  
出肖口抵蜀口石田注灞口鐵樹坳即分水坳舊  
誌誤分為二今改正

貓尾石鼓嶺水 城北五十里豐上里水出石罅流桐江  
出許坊至肖口合竹子磔分水坳二水全抵蜀口石里



羅口注瀨口

寶山水 城北四十里豐上里水出小湖頭流江下至陳

家坪抵石田注瀨口

登雲峯西向水 城北五十里流羅奮趨寧都杉澗

登雲峰水 城西北五十里豐上里寧都東龍嶺界水出

東向山腰流南橋嶺下會深溪會坊遷諸水歷小松墟

至井頭出肖口注瀨口

丈夫嶂水 城西北三十里豐上里水出嶂後者流小松

村與登雲峯水合至小松墟抵井頭出肖口注瀨口

出嶂前左者流百榴花岩出新橋頭羅源三吳匯於羅

口注瀨口 出嶂前右者從篾竹坳流長樂匯諸水過

望東源注瀨口

桓樹坪水 城西三十里長上里水出山凹石罅流小弼

匯長逕長樂諸水至望東源注瀨口 依水出口應載在登雲峯水之下但

水源在城西故載此

以上七處之水經各村落悉入瀨口是為瀨水琴水

左來瀨水右來至此合流大江過邑城下

廖家山水 城東二十里長上里水出四山窩內流黃高

田泥坑白水 下匯向石下面坊諸水至柘口入江

苦竹坑水 城東十五里長上里水從上流芭蕉尾併諸



壠細流注大嶺陂達牛脚下入江

吊橋排水 城東三十里水出柳家庄流石中里龍潭磔

至大畚出將軍橋注金雞石達石馬下入江

雲嶺竦水 城東二十里石中里水流龍嶺不至南坑匯

小驛裡石陀上水出龍舌嘴入江

九磔排水 城東十五里石中里水流燒湖下至鋪背過

官橋頭出長江入江

葉家庄水 城西十里長上里水從苦竹嶺左流唐澤嶺

過大塘源注石下鋪達白蓮橋遠迎恩坊至隘前入江

鯉魚庄水 城西十里長上里水從苦竹嶺右流龍舞井

以不錫山

安仁坊匯坑背諸水繞城西通上樞林渠入南門江

馬腦石水 城西五里石中里水從嶺右田壠流赤沙嶺

左至司前拱橋下入江

蝦公磔水 城西三十里石中里水流半逕遠白茅塘沙

墩合溪口趨牛輓嶺匯杉柏鋪諸水注竹篙潭合五龍

巖水匯大馬嶺流海藏寺上匯水出范坊黃泥塘又合

梨子嶺旱坑留十地溪磔嶺諸水出古樟口入江

雙溪磔水 城西二十里石中里水左流浮梓渠右流平

陂花園嶺鯉魚石入江

梨子嶺水 城西三十里石中里水流寧都上中下門至



今境打石嘴羅陂陳坊黃株潭入江

二仙竦水 寧都地其水流入本境黃地會麻坑艷背出

蘆江廟背入江

度牛竦水 三仙陳分夫水流萬坑入江

銅盆石楓樹均水 城南三十餘里龍上里水右出者流

左坑滙蜈蚣坑河坑嶂水流河坑注羅運陵出朱坑新

田上又滙夫人嶂水出唐台又滙過龍陂全趨車上入

江

畧石下水 城南七十里禮上里寧化分界水滙庄背小

姑流五家山齊家坊至合龍裡右滙桃花磔之爛泥壠

賴屋排水左滙大坑山之上磔楊公坪水合流大鋪上

下橫江煙坊諸水歷丹陽武干篋埠至乾口又右滙磔

頭尾烏石頭諸水至陂下入江

桃花磔水 城南八十里禮上里水從磔內分流石澗瑞

坑菜湖至楊仙排秋溪出石馬峽達秋口入江

柏文磔水 城南八十里禮上里水從磔出一流打鼓磔

出下龍岡廟子下與溫坑水合流營裡繞香爐砦左一

流墟場坪至楓樹下繞香爐砦右與左水合流至艾溪

達濯口入江

蓮花山水 城南八十里龍上里右水流蓋田左水流場



石城縣志 卷一  
谷境下伊又右匯河崙水達大猷坪江子口之合注口入江

鷺公疎水 城南八十里禮上里水流坪地右瓏者逆遠龍上里諸村水出大猷坪入江

八卦頂水 城西南八十里龍上里水流易華山趨龜湖洞出溪口至廟子潭入江

漆嶺水 城西南八十里禮上里流三溪至運口出瑞金之沿江上

坪地水 城西南八十里禮上里水流半田出瑞金之湖陂

烏石下水 城西南六十里禮上里水流上弼出湖波

以上二十三處之水俱入本境大河

其為潭有七

聶家潭 城北三里又名觀前潭水濼洄澄碧與南郊之寶福塔遠隔五里塔影宛在潭底為邑八景之一曰塔影江心

古樟口潭 城西五里舊傳潭西岸有大樟樹輪囷如龍蔽江面十餘丈可攀援至東岸宋時有宮此者仆華蓋石併伐此樹血流浹旬後於天日晴朗常見樹影蜿蜒橫江偃卧



燕藪潭 城西十五里旁有石崖石竅相傳境內之燕寒冬藏此

鹽牯潭 城西南四十五里亭田之下

廟子潭 城西南六十里

龍頭潭 城西南八十里舊傳有漁者化為巨魚鼓鬣以

入

黃株潭 城西三十里陳坊小溪入大江處

其為溫泉有五

一在東華山麓溪旁一石如龜中出泉如沸作硫黃氣可熟鷄卵

一在桃株相去里許浴之可療疥

一在白水下相去里許

一在月水埭

一在九磔埭

按江右雖號澤國而寧都則為山區邑隸於寧城以外聳翠掠青前律嶺簇其志者以關於龍脈與乎峭拔一方異蹟名勝耳其他不及志也山之脈由大庾

嶺歷桃源竦過閩汀黃竹攢至禮上里入臉竦始入

本境趨古樓竦越閩寧之黃土埭即淮旋轉本境河

坑嶂至楊時寨宋熙寧中楊時聞南豐曾肇忤大臣安置汀州造訪經站嶺聞警避此寧



楊公嶺化志曰聳長上里東華山踰遙嶺綿亘牙梳山週二  
百里為兩江閩浙之祖山逶迤行聳登雲峯堪輿家  
以為縣龍之祖乾亥越寧都之東龍嶺度本境丈夫  
嶂歷高凌峯為縣龍少祖居邑城率位至苦竹嶺出  
石門嶂過雙飛跌蝶乾亥抵邑城而龍盡蓋自入臉  
竦入境其間岡蠻散布崇山複嶺邃洞幽巖松杉竹  
箭之所生狸狖文豹之所隱仙宅梵宮石牀丹竈名  
勝之區指不勝屈岷岵哈嶠故羣壑北谷雨澤積流  
山下泉山水不一源其著者琴灞二水而琴尤著故  
邑以為號然滙上流過城下其委又為象流所入纔

衣帶水可通舟楫至龍頭潭達江口與寧都水合經  
瑞金界歷十八灘過雩治達贛治與章貢滙計七百  
餘里灘石湍激皆駛流焉蓋山有排雲之異而水無  
浩淼之觀以山區也然春夏暴漲亦足休心駭目云

舊志



形勢

石城環縣皆山轟轟如城有龍巖瀑布石笋參天之奇

郭子章郡縣表說

邑四面皆山琴湖之水繞左西華之山障右古樟口大潭為津鎖貴人峯為華表川渟岳峙昔人有四山如城龍淵

虎壘之說信哉

郭子章







石城縣志 卷一  
康元年庚子改陽都曰雩都南宋孝武大明五年辛丑析  
寧都虔化屯為虔化縣隋文帝開皇九年己酉改南康郡  
為虔州併寧都陂陽二縣為虔化一縣地俱屬焉以上採  
尚志  
南唐昇元初取吳置昭信軍保大十一年癸丑析虔化東  
地石城場為石城縣縣隸昭信軍宋太祖開寶八年乙亥  
曹彬下江南十九郡改昭信軍為軍州隸軍州太宗太平  
興國元年丙子復改軍州為虔州隸虔州高宗紹興二十  
三年癸酉改虔州為贛州元成宗元貞二年丙申改贛州  
為贛州路隸贛州路明洪武二年己酉改贛州路為贛州  
府隸贛  
州府

國朝仍之乾隆二十年改寧都縣為寧都直隸州隸寧都州  
計南唐保大十一年癸丑至道光三年癸未為縣八百七  
十一年據舊  
志

按石城自置縣來專隸贛與省志採寰宇記載元陞  
寧都為州石城屬之者異攷舊志凡例云天啟辛酉  
志載元時仍隸贛而不隸寧而郡志沿革表又載元  
成宗元貞二年改贛州為路統贛縣雩都信豐興國  
石城五縣以寧都會昌別為州瑞金隸會昌州復置  
龍南安遠隸寧都州二志均合事以近而合者為據  
寰宇記通志志天下郡邑恐不如邑中自志之考核



精詳也故仍舊志無所更易并論所載異同以俟攷訂訂舊志

元吳草廬澄送婁志淳赴石城縣主簿序中有云石城贛之鄙邑地偏俗樸近年隸寧都州民苦于兩屬據此則石城在元隸寧都州矣草廬為元人夫豈有悞省志採案字記載元陞寧都為州石城屬之之說為不誣矣而王志據舊志凡例云天啓辛酉志邵志沿革表諸書謂元時石城仍隸贛不隸寧恐諸說不如草廬之確况寧都縣舊志沿革載元元貞二年改贛州為路陞寧都為州領石城縣又班班可考者乎

### 附邑號

灞水琴水上出高原下遠城隅聲淙淙如琴韻因號琴江

郭志節畧

### 附封爵

石城王朱真堵惠王第四子景泰二年封宏治四年薨諡恭靖第一子覲鎬覲一作鎮鎮國將軍追封石城王諡端隱孫宸浮嗣宏治十二年兄弟互許革為庶人嘉靖二十四年復冠帶參府志又省志載石城王孫謀琛工詩有集志







治八十里

邑城西至浮嶺四十里本州分界自界至州治八十里

志作東界石城浮嶺六十里

又西至大猷坪龍頭龍頭山非河八十里本州分界自界

至州治九十里

西北至東龍嶺四十里本州分界自界至州治八十里

邑城北至鐵樹坳即分水坳六十里建昌府廣昌縣分界

自界至廣昌縣治九十里

邑城東北至河家灣池家坳七十五里建昌府廣昌縣分

界自界至廣昌縣治九十里

又東北至窰嶺八十里福建寧化縣分界自界至寧化縣治八十里

一東陸大路自南門省志東門誤二十五里至大奮橋福建汀

州府寧化縣交界

一自縣城東門五十五里至寧化整頭交界

一西陸大路自縣治西門四十里至梅坑舖浮嶺本州交

界

一南陸大路自縣城南門九十五里至選口福建汀州府

長汀縣黃竹嶺交界

一北陸大路自縣城北門六十里至鐵樹坳內小路二十里由殺牛選



石城縣志 卷一  
建昌府廣昌縣交界由廣昌達省計程共七百八十里  
自縣城北門省志西四十里至東龍內小路二十里本州  
一交界

水路由城南登舟一百里至龍小渡林州歷園村下江口  
至瑞金之白頭公進十八灘抵曲陽出灘歷寒心峽過會  
昌江口至雩都縣治下雩都峽至興國信豐江口抵贛城  
而達省又縣北陸路一百里至口水寨登舟歷廣昌南豐  
建昌撫州以達省城無灘石險阻較贛河可減路程之半

坊鄉里圖

宋元時邑城內及城外分為十五坊合上下游分為二  
鄉合二鄉分為二十四里明洪武中仍舊至二十四年  
辛未併為十一里正統十三年戊辰為閩寇所殘戶口  
消耗景泰三年壬申併為八里半宏治五年定為九里  
今仍之舊志

原十五坊舊志

進賢坊在十字街 仁義坊在縣治左

永康坊在縣治右 昇平坊在下市街舊名太平坊

忠節坊在城北內外 孝善坊在縣東一里



永吉坊在縣東一里 孝義坊在縣西一里

清泰坊在縣西一里 新慶坊在縣南一里

仙源坊在縣南一里 迎恩坊在縣北一里

孝仁坊在縣北一里 吉田坊在縣北二里

感應坊在縣北三里

二鄉

長松鄉上游 陂陽鄉下游

原二十四里郭志

坊郭里一圖 坊郭里二圖 長沙上里 長沙下里

豐義上里 豐義中里 豐義下里 調琴上里

調琴下里 調琴上下里 石上里 石下里

柏林上里 柏林中里 柏林下里 小松園里

陂陽上里 陂陽下里 龍岡上里 龍岡下里

禮上上里 興下里 禮下上里 禮下下里

洪武二十四年辛未併為十一里郭志

坊郭里一圖 坊郭里二圖 長上里 豐上里

石上里 調上下里 柏上下里 柏中里

石中里 龍上下里 禮上下里

景泰三年壬申併為八里半郭志

坊郭里一圖詳圖 長上里 豐上里 石上里



柏中里 石中里 龍上下里 禮上下里

宏治五年壬子定為九里今仍舊志

坊郭里一圖 坊郭里二圖 長上里 豐上里

石上里 柏中里 石中里 龍上下里

禮上下里

龍上下里今日龍上里禮上下里今日禮上里二里從

宏治後刪去二下字舊志

舊十五坊後併為五坊今仍併之歲月逸考

忠節坊在城之上截至北門外舊儒學基

進賢坊在城之中截

昇平坊在城之下截至西門外巡檢司

迎恩坊在北門外隘前至興隆街俗呼郭盡處

仙源坊在河東南一帶

今九里併昔十五坊二十四里攷

坊郭里一圖原忠節坊進賢坊仁義坊永康坊昇平坊

坊郭里二圖原感應坊吉田坊孝仁坊迎恩坊永吉坊

長上里原長沙上里長沙下里併二里為此一里

豐上里原豐義上里豐義中里豐義下里併三里為此一里

石上里原調琴上里調琴下里併五里為此一里

柏中里原柏林上里柏林中里柏林下里併四里為此一里



石中里 原波陽上里為此一里

龍上里 原龍岡上里為此一里

禮上里 原禮上上里與下里禮下上里

各里坊村

城內一圖里

北忠節坊 跨城外坑背寨背 東進賢坊

西南昇平坊 跨西關外司前

城外二圖里

北迎恩坊 河背東南仙源坊

長上里村

睦富 苦竹坑 何石下 白水 泥坑

灞口十三坊 柘口黃坊車田琴口木山并背羅口

劉坑 羅源 長樂 竹園下 小弼

古田 長逕 桐樹坪 楂樹坪 大源磔

嶂背 蕉坑頭

豐上里村

蜀口 小松 水西 南喬嶺 舵溪

丹溪 新坊 許坊 桐江 楊村

羅奮 山上

石中里村



安仁坊 温坊 觀下 鷓鴣寨 石板橋

黃泥塘 范坊 下吳 濯坑 上濯

罕坑 秀嶺 規上 濛山裡 石笋下

大畚 小驛裡 浮湖堤 燕藪 長江

沙墩 白茅塘 苦株橋下 姑溪

打石嘴 羅陂 江上塘 上羅陂 河麓

坳頭 上庄 旂嶺下 江頭 富頭

陳坊 洋灘 下羅圍

柏中里村 瓦窰前 養馬墩 福田 福村 賴田

窑口 深溪 湛溪 界竹排 生源裡

小坪舖 張田背 高田 李家灣 岡下

楊家邊 下坪 上坪 塢上 胡坑

廟背 鄭禮坊 温寮 燒山 上磔

下柏昌 長舖裡 上柏昌 雅儒堂 窰下

雙井雅儒堂 筓竹坑 朱家庄 鐵爐坑

小牛嶺 大牛嶺 李地 黃柏嶺 坳上嶺

江頭 葛嶺 洋地 黃沙徑

石上里村

霞湖 舊名上湘 舊名沿地 桃株 沿沙裡

下集

一輿地志 坊鄉

三



張天堂	豐山	小桃株	茅源裡	上坑
下坑	郭家坨	官家坨	琴溪	黃土坪
河田	聳岡	城岡	沙溪上	羅口
肖口	石田	江下	井溪	大坪溪
我公坑	上景	白兔	小琴	木藍
楊坊	大琴	富里	綿選	陂下
楊畬	琴高	河源	調上	聯坊
河家灣	東坑	池家坨		
上里村				
過龍波	唐台	新田上	朱坑	金錢坑

河左坑	巖溪	凹背	坪埠	磔頭
蓮塘下	盧江廟背	上下曾麻坑	長溪	
亨田	長橋	吊仁坪	煉口	水南
石舍	萬坑	黃沙鋪	濯龍	平塘
高田	龍岡	楓樹下	營裏	徐坊坨
藍田	笑溪	大猷坪	小洞	河畬
李家庄	綠水	曾坑	龍頭	賜谷
下伊	西塘尾	黃土陂	賴田	羅田墩
禮上里村				
乾口	篋埠	烏石頭	武干	丹陽



秋溪 宰下 菜湖 瑞坑 上橫江

下橫江 煙坊 石澗 齊家坊 程家庄

上磔 小姑 馬料磔 三溪 百丈滄

烏石下 半田 上粥 楊地 陶株坑

廖三坑 漆嶺

論曰統上下游七里計之為村貳百有餘而墾落未成者不與鄉村不為不廣然環境若山墳衍無幾高原則山麓兼半低濕則深壠屬之謂之八山二田也可第民勤於力作沿山多成梯田俗呼畦田其無圳泉可溉者鋤墾以勤陸種樹植以備材用然而猶多童山也或遇可植

之山而村煙相接斧斤不時祇見濯濯即有禁約莫過強梁惟牧民者勸其樹植懲其強梗使不得逞斯樹藝益滋亦濟人滿之一道也夫舊志



街衢

興隆街舊名郭頭街

北門街西達圍添上馬街一東達城馬街一

東門街

縣前街南門街左達城一

西門街左達城一

下市街

橋背街

井埠

縣衙井 十字街井東門

王家井

吳家井又名下市街

胡家井西城內儒學射圃亭

城隍廟井

原廢明末寇警復修生員陳相記石

許家

井郭頭街下即許國舊宅前其水清冽舊傳有異人汲此煉丹舊府志誤載此為胡家井

小井郭頭

街 木井塘井郭頭街小溪背府志為木井塘井二處

長沙埠

塘台埠

長口埠

丹陽埠

羅陂埠



龍岡埠 意口埠

集場

灞口墟 長上 石田墟 石上 小琴墟 石上 陳坊墟 石中

桐岡墟 豐上 窰口墟 柏中 下岩墟 石中 羅波墟 石中

塘台墟 龍上 丹陽墟 禮上 長口墟 龍上 龍岡墟 龍上

意口墟 龍上 秋溪墟 禮上

舊志載以上俱廢今興復甚多

小松墟 豐上 三十三石 淨與鄭姓 康熙辛丑年 溫秀凌捐田租

高田墟 柏中 九墟 湛波墟 柏中 木藍墟 石上

平山墟 石中 六墟 橫江墟 禮上 大猷坪墟 龍上

營弁外 朱坑墟 龍上 何家灣墟 石上 豐山墟 石上

委駐此 三墟 八期

附載舊志廢蹟

尉司場 縣東南河背寶福塔下宋寧宗慶元初重修今廢



陂澤

石城水道琴水出柏中里大牛嶺遙嶺瀾水出塹上嶺  
竹子礫鐵樹坳二水合流十里至縣治環繞城垣達古  
樟口長江秋口龍下渡與寧都江合已詳山川志內其  
陂澤瀦水尤為灌溉所需水利攸關因備載焉

坊郭里

劉家坑陂灌田五十畝

長上里

石下鋪陂灌田二百五十畝、白竊嶺陂灌田五十畝  
大嶺下陂灌田一百畝 員陀背陂灌田一百二十畝



石中里  
柘口陂灌田一百一十畝 羅源陂社下陂灌田一百  
畝 羅口陂灌田二百畝 馬鞍陂 長天塔陂 八  
字陂 小鵝陂 新村陂 高陂 下大陂 苦竹陂  
青山陂

深湖王灘陂灌田四十畝 滑石陂灌田二十五畝  
范坊陂灌田三十畝 長江陂灌田三十畝 石下樟  
陂灌田二十五畝 上濯陂灌田三十畝 何麓陂灌  
田四十畝 黃花塘陂灌田五十畝 桃源峒塘灌田  
二十畝 大奮水口曹家陂灌前江田畝

石上里

桃枝口陂灌田四百畝 老虎陂灌田一百二十五畝  
聳岡陂灌田五百畝 黃扁陂灌田五十畝 小口陂  
灌田五十四畝 羅口陂灌田五十畝 東華寺陂  
大琴龍下陂牛灘陂 常樹陂 甲和陂 聞修陂  
黃坊陂 鴉鵲陂 紫光陂 泥坑陂 張天堂陂  
上坑陂 賴田陂 土卵陂 井溪下陂 大琴羅石  
陂灌田數百畝 面坊食水陂灌田五百畝

豐上里

黃麻陂灌田一百畝 賴和陂灌田一百七十畝 青



石城縣志 卷一  
山陂灌田八十畝 田心陂灌田六十畝 清水陂  
灌田七十畝 千田陂灌田五十畝 五伯陂灌田八  
畝 員陂灌田六十畝 江上油槽陂灌田一百二十  
畝 平田陂 桐岡陂 楊村陂 許坊社公陂 松  
井總陂 水西陂

柏中里

綿洋陂灌田一百畝 霜油陂灌田八十畝 巖前龍  
鬚陂灌田三百畝 柯樹陂灌田三十五畝 廟背陂  
灌田一百三十畝 楊家邊陂灌田一百畝 橋頭陂  
灌田十畝 下柏昌陂 七里陂 高日大陂 上

廣陂 大畚陂 曾麻坑陂 留十陂 黃沙陂 羅  
陂 古連塘 陳家陂 界溪店前陂 芙蓉陂 下  
陂 湖潭陂 何家埧陂 屈陂 李子陂 高田江  
家陂 石陂灌田二百畝 羅家圳陂灌田一百五十  
畝 栗山灣陂灌田八十畝 阮節陂灌田三百畝  
破下陂灌田一百二十畝 橋頭陂灌田八十五畝  
社下陂灌田一百六十畝

禮上里

蛇工廟前陂灌田八十畝 上黃陂灌田二十畝 常  
澗陂灌田三十畝 孤溪陂灌田二十畝 秋溪陂灌



田三十畝 石聖前陂灌田六十畝 大埠陂 夫人  
陂 巖坑陂 武干陂 唐台陂 常吉畝 龍關陂  
井湖陂 石面陂 畢子陂 綾羅陂

龍上里

大塘口陂灌田五十五畝 鶴嘴陂灌田五十畝 駟  
家墩陂灌田五十畝 大猷坪陂灌田二十畝 均背  
石下陂灌田二十畝 大陂頭灌田三百五十畝 滑  
石陂灌田五十畝 黃泥塘灌田五畝 逆水坑塘灌  
田六畝 坑尾塘灌田畝 坑裡塘灌田八畝 水南  
坳塘灌田九畝 選口陂 石下潭陂 黃株潭陂

樓垓嶺長陂 龍岡墩大陂 清湖塘河陂灌田三千  
石 中陂灌田萬石 尾陂灌田六百石  
一圖里

羅石陂 水圳陂 田心干陂 曹龍陂 白蓮橋新  
豐陂灌田二千餘畝

按石邑依山為田沿流作灌非若平疇廣畝可溝可  
澮也為陂塘者多橫絕溪流用石鱗起水可高五尺  
或木椿用藤蔓繫織內磊小石水高起亦可至五尺  
不等從其所向鑿圳通之遇阻斷處或外築一堤或  
接以木規可遠至一二里外其用力視疏濬溝澮艱



石城縣志 卷一  
難百倍又山溪暴漲不常隄岸一失修補無憑度其  
流泉更須新立東者或移而之西近者或易而之遠  
地小難蓄源淺易乾連阡阻其經流决塋盜其舊注  
強民起爭訟庭多擾石俗不免也訂王

風俗

喪祭禮也而或歸於厚或失則薄習尚所趨俗斯成焉邑  
俗際親喪凡襲歛衣衾之具竭力為之貧者亦不敢苟哭  
奠如儀封其墓樹之碑親有善必述於賢達乞誌銘以表  
揚莫之敢忘禮所謂附於身者必誠必信既墓皇皇如有  
望而弗至石俗有焉族必祠清明則醮於墓祭於祠或夏  
或秋行之至冬至之祭雖朱子有疑其僭而不敢行之說  
然為

今  
甲不禁故亦舉焉其盛者乃歲或二祭三祭至每節必薦  
即傭作亦然其無期功之親者雖貧極無奈不輕去其鄉



皇上

即出外亦必旋歸以先人墳墓所在不忘黜奠也禮所謂  
霜露既降必有悽愴之心雨露既濡必有怵惕之心者石  
俗有焉邇來有力之家喪祭過費未免有不節之嗟然慎  
終追遠仁孝之心可驗抑石俗之美可風也至若士尚氣  
節男力耕種女勤績緝未必石之特異則亦不足以言石  
之俗云舊志

溺女敝俗也隣邑皆然石為甚石山峭水駛生其地者宜  
多暴急然秉性率皆慈仁剛狠者不數覩顧獨忍於呱呱  
之孩傷其天性俗之圉人如是邇來仰體我

革也日新月異拭目俟之舊志

按邑喪事赴弔者必盛饌以款送帛酬儀以豐腆為  
尚稍有擔石而親喪不如例者鄉里笑之加以薄親  
之名嗚呼凡民有喪匍匐救之君子有休戚相關之  
誼今不以人之親死為戚而於酒食酬報是議是遵  
何道哉夫物薄意厚古之良規也人誰無親往必有  
來亦在士夫毅然倡之遵其美而去其弊不愈昭風  
俗之厚歟舊志

又按邑中祠祀春祭之日羣集餽餘必演戲劇遂至  
讀書少年就塾未及一月借祭祖之名以觀劇為事



詩書之氣蕩於浮邪吟誦之聲廢於靡曼失古人敬  
孫時敏之意至襍禩之儔尤以失時為戒顧當農事  
方殷之日廢其耕耨林立觀劇而農荒工商之倫居  
肆質屢平時亦無敢舍業以嬉一旦呼朋結伴誇浪  
場下而工商荒且院本類多褻狎觀之適足誨淫或  
曰演劇不限於祠祭何必祠祭之曉曉歟不知邑處  
偏僻俗尚儉樸娛賓宴會演劇者鮮矣哉非祠祭梨  
園將裹足不前况以演劇之錢於祖先祠齋照丁給  
發益足以昭神庥崇禮敦俗不兩得歟  
按舊志稱石城風俗士尚氣節男力種耕婦勤女紅

尚矣所稱親喪襲歛衣衾之具哭奠之儀必誠必信  
而奉先之薦石族舊家固昭明信即卑寒微裔亦必  
致豐潔且春秋祠焉至冠禮三加猶遵命字民間婚  
嫁不廢六禮此其大槩也衣服不侈紈素飲食惟是  
土有歌謠非所尚祈禳亦間有鄰邑所同宴會賽神  
則惟在城八月之城隍廟在鄉九月之柏中里高田  
將軍廟演戲浹旬為最盛其餘舊志所稱春秋祭祀  
餽餘演劇此風亦少衰矣是亦俗之一變者物極必  
反不洵然歟

增新



物產

穀類

穀 穀之屬曰秔稻乃稻穀總名種有早晚色有紅白其名不一石邑近城多早稻三月末四月初種六七月獲上鄉多晚稻四月種九月獲又有獲之早者一歲可熟六月蔣藝十月收穫名曰翻粳必田之腴而不涸者始可種稻之可釀酒者曰糯糯谷亦不一色有紅白種有早晚釀酒外又可為糴為糴為米詩舊志

豆 每歲六七月間早稻登場即田種豆秋霖降則多實十月之交即收有青黃黑赤各種大小不一舊志



蔬類

葑 葉深綠色一本有七八莖多至十一二莖訂舊志

番薯 原出交趾得名形似薯而員小有皮紫肉白有皮

肉俱白味甘蒸煮皆宜生食更脆訂舊志

苦瓜 閩廣俱有石邑獨甲于別地有圍大至七八十長

一尺七八寸最肥者皮肉俱白訂舊志

果類

櫻桃 月令作含桃首百果成熟訂舊志

菱角 三角四角曰菱兩角曰菱有紅綠二種嫩則鮮食

老則宜煮邑城西最宜種菱色紅肉白體大味佳訂舊志

黃蘿蔔 元始有氣味似蘿蔔故名邑有大者圍約五寸

許長尺三四寸生啖甘香熟食亦可訂舊志

花類

蘭花 報春魁又名報春蘭一莖一花花黃綠色瓣有紫

紋其香清遠開于元旦立春故名山蘭花淺碧色生幽

巖邃壑當秋而花滿谷皆香近又有素心蘭品更超遠

杜鵑花 本蜀產石邑山上多單葉而色殷紅者俗呼滿

山紅又有白而重瓣者更勝

鳳子花 狀似鳳無常種產長樂法林寺占科第多奇驗

舊志



郁李花 即棠棣山谷間不種而生藥小花淡紅開二月  
秋海棠 花結子落地歲每生苗其莖甚脆早秋始花畧  
似海棠半含淺紅嬌韻欲滴綠葉紫莖界以紅綠尤覺  
風致翩翩相傳昔有女子懷人不至淚常洒地遂生此  
花色如女面名斷腸花此說第可資詩料未必然也  
菊花 石色菊種不一惟黃佛手白佛手大士衣御袍黃  
金帶圍舊朝衣粉孩兒數種其勝不減東籬也

茶花 他處多植地樹高數丈石色亦然近有移枝接幹  
于盆內值臘盡春初甕盆盛放色不一有紅有白有綠  
或紅白相間或五色兼全其最著曰宮粉曰牡丹浹旬

開花視別邑更勝新

藥類

菖蒲 其本芳辛切之為菹謂之昌歎石邑端午日服菖

蒲酒訂舊志

益母草 本草名芫蔚宜于婦人故名益母葉似艾莖

似火麻花如蓼花訂舊志

土黃連 出石邑牙梳山其苗經冬不凋葉如小雉尾生

處夜有紅光亦稱靈草訂舊志

土茯苓 本草名禹餘糧俗呼硬飯子有赤白二種白者

佳愈風解毒



茵陳 二月生苗其莖如艾其葉如淡色青蒿而背白葉

歧紫細而扁整九月開細花黃色結實大如艾子舊志

女貞子 即蠟樹子又名冬青子訂舊志

三黃丸 其方自熊念五得之太極觀徐王二仙遂世傳

其業以三黃為主合他藥取縣北木井塘水製就小丸

或條子服治諸熱病多效舊志

木類

松陽木性宜黃土而石墳赤黃故植多松老針鬣成毬日

出上有絲光下射入土跡之可得茯苓

楓 大者數圍葉圓而歧有三角者結子多刺

樟 大者數圍或十圍高八九丈枝幹扶疎參天蔽日舊志

柏 俗曰烏柏碾其子為油作蠟燭稍為貧民之利秋葉

丹黃可與楓林爭勝新增

草類

芝 有青赤黃白黑紫六色土色和故芝草生

烟草 一名淡芭菰萬歷間來自呂宋國石邑種者甚多

其品不讓閩漳也

筆管草 心空似筆管出太極觀中為徐王二仙篆符擲

筆而生舊志

鳥類



白鷓 出邑牙梳山俗呼寒雞白雉也訂舊志

獸類

豪豬 毛間有毫如箭白本而黑端能射人箭盡則斃害

稼植雜藝舊志

魚類

龍頭魚 出邑龍下渡龍頭得名長寸許無骨三月間始有有亦不多過期則無味潔不腥稱佳品舊志

鱒魚 即鯪魚他處肉硬邑獨肥膩鮮滑訂舊志

蟲類

蝴蝶 大曰蝶小曰蛾四翅有粉以鬚代鼻其交皆以鼻

邑四月胡太公神誕有大蝶成羣五采絢爛飛繞座次訂舊志

石類

龍岡硯 出邑龍岡村深澗中溫潤縝栗土人採取水底潛藏者琢成幾匹陰坑子石舊志

青石 產柏中里福村色如綠水初澄用作碑碣風雨侵蝕堅質瑩然此山川佳孕也舊志

貨類

苧布 石城以苧麻為夏布織成細密遠近皆稱石城固厚庄歲出數十萬疋外貿吳越燕毫間子母相權女紅



之利普矣

紙 去城六十里禮上里有橫江紙煮竹絲為之製造甚精潔省會山左通行每商賈貿販歲不下累萬金增新

食類

茶 石邑茶多取資于福建崇安本處山谷雖產亦不佳惟縣南十五里通天巖有異茶善製者携囊採製氣襲幽蘭不讓寧都之林芥

石城縣志卷一終

石城縣志卷二

涇縣朱一慊纂輯

田賦志

丁口 稅糧 鹽課 倉穀

禹貢則壤而成賦三代以前取民有制自井田廢而賦役繁興歷代以來罕有善政我

朝子惠元元一丁糧除力役裁浮課謹土宜

皇

恩稠叠奉行維謹以故戶口殷繁民氣和樂三代以來未有若斯之盛也石邑丁口稅糧宋以前無徵及明版籍缺畧即王志所載未必盡皆信史舊志刪之亦州書斷



自唐虞意也我

朝自順治起官書具在一一詳載今仍之而以鹽課繼焉  
定正供佐民食也倉穀書焉備不虞救民荒也周官理  
財莫重于此作田賦志

丁口

順治十三年丙申人丁二千一十丁優免三百零一丁食  
鹽課一千四百一十口郭志

順治間原額人丁一千七百零九丁優免食鹽課丁口同  
前其原額三千四百二十府志

康熙初年起至四千五年編審止  
見在人丁二千二百五十丁每丁徵銀二錢六分八厘六毫四忽一微九纖五沙七塵

八埃

優免丁二百四十八丁每丁徵銀七分三厘八毫  
食鹽課一千八百五十一口每口徵銀七厘八毫四忽四

田賦志 丁口 二



雍正十年戶口見在人丁二千五百五十三丁食鹽課二千六十一口原編銀六百五十一兩二錢九分二厘四毫

者

雍正五年奉文攤入通省地糧帶徵  
乾隆九年人丁口數同前各徵不同奉文查照上屆底案添入新生墾陞糧銀及減除南昌等縣浮糧並豁免坍荒各數通省合算每糧銀一兩帶丁銀一錢五厘八毫二絲四忽四微九纖三秒二塵二埃六渺四漠六遠一巡共應帶丁銀九百三十二兩三錢八分七厘八毫五絲攤入地糧內帶徵

王

原額地丁項下增匠班正脚銀四錢五分三厘六毫攤入

地糧內帶徵

王

乾隆三十八年賦役全書編定見在人丁二千二百五十二丁婦女二千六十一口共計丁口銀六百五十一兩二錢九分二厘於雍正五年奉文攤派通省地糧均勻帶徵現應增徵丁銀二百八十兩八分實徵銀九百三十一兩三錢七分二厘康熙五十二年欽奉

恩詔

以五十年丁冊定為常額續生人丁永不加賦自康熙五十五年起至乾隆三十六年各屆編審新收除抵補開除外實共

咸世滋生人丁二千二百九十七丁婦女五百五十四口俱



遵

恩切

永不加賦其婦女于乾隆十一年人丁于乾隆三十七年先後奉文停止編審

自乾隆三十六年編審後見在人丁不啻數十倍祇照原編二千五百五十二丁婦女二千六十一口定賦

稅糧

順治十三年編定田地山塘共二千三十一頃二畝九厘四毫六絲內除地山科鈔外實載官民米四千五百七十二石三斗七升四合六勺每年徵糧銀四千一百零四兩四厘九毫

三差

里甲編銀七百二十一兩四錢五分二厘七毫均徭編銀七百六十五兩一錢八分一厘  
六 民兵編銀二千七百六錢

帶徵

鹽鈔起運存留各十二兩零以上郭志

順治十年給丈田畝十三年編定田地山塘同前實徵銀



八千七百七十八兩六錢  
一分四厘五毫三微九纖  
康熙四十九年同外田產下增  
本折物料加價銀一兩八錢八分三厘四  
丁口徭銀百  
三十六兩二錢一分五厘  
四毫五絲三微七纖一沙  
丁地下增匠班正脚連運銀  
四錢九分  
一厘四毫  
又丁地下遇閏增銀四分七厘三毫  
以上府  
邑原額官民田地山塘同前官瓦草房八十四間  
編起存留各款并增九厘地畝銀共八千七百七十八兩  
六錢一分四厘五毫內原有優免米三百一十三石一斗  
二升該派三差銀二百三十五兩九錢九分一厘八絲五  
忽一微六纖不准免外於康熙五十三年後墾陞額外新  
生田二畝八分五厘八毫九絲二微該增銀一錢六分

厘八毫七絲

外雍正五年至六年續墾額外田塘四頃二十五畝九分  
二厘七毫七絲四忽一微三纖所增銀兩年限尚未屆滿  
陞科故未編入

見在成熟田地山塘二千三十一頃四畝九分五厘三毫

五絲二微 實徵銀八千七百七十八兩七錢七分六厘

三毫七絲外帶徵本折匠班正脚等銀二兩三錢三分七

厘八絲八忽七微五纖丁銀九百二十四兩八錢三分二

厘七毫八絲  
雍正十年省志

乾隆九年甲子官民田地山塘及官瓦草房  
錢銀八千八百三錢



六分二厘七毫六纖帶丁匠班九百三十二兩八錢本折物  
絲六忽三微五纖  
料毫一兩八錢八分三厘四纖其徵銀九千七百四十三兩八  
分七厘七毫五忽一微狂

額解

地丁銀八千六百六十一兩八錢四分一厘三毫一絲一

纖狂

脚耗銀五十三兩四錢二分五厘九毫二絲七忽四微六

纖狂

本折色物料正墊脚其銀一十五兩三錢四分八厘六毫  
八絲七忽六微三纖狂

乾隆三十八年賦役全書編載見在成熟田地山塘二千  
三十七頃六十二畝七分四厘官瓦草房八十四間實徵  
銀八千八百八兩三錢九分三厘

以上丁田二項及續奉扣解不准優免并陞屋實共徵  
銀九千七百三十九兩七錢六分五厘

又匠班改歸地糧編徵正脚銀四錢五分四厘

折色時價增徵正脚銀一兩三錢七分二厘

核減本色新增時價銀五錢一分一厘

總共額徵起存正雜等銀九千七百四十二兩一錢二

厘過閏加銀四十九  
兩五錢八分五厘



雜稅

稅契無定額每兩徵稅銀三分

落地稅錢六十三兩一錢九分五厘三毫遇閏加銀五兩二錢六分六厘

二毫七絲五忽

牙稅銀十三兩 茶課紙價牛稅俱裁

按丁口自宋淳熙至明崇禎田地山塘自明洪武至崇禎丁有多至四萬餘田地山塘則二千三十一頃而止蓋先朝力役繁興加丁加派地則未盡闢也我朝子惠元元休養生息丁口之多何啻十倍而

聖聖相承仁愛靡已康熙五十二年

恩詔則續生人丁永不加賦乾隆三十七年則停免編審百餘年來從無役派胥胝之傳得盡力於耕作故陞星日增誠千古莫與匹休焉宋明星社之舊非攷徵之所資也故刪之

存留

又廟朔望香燭銀一兩八錢遇閏加銀一錢五分

春秋祭祀編銀八十二兩二錢六分五厘八絲

又廟祭銀四十一兩二錢四分四厘四毫

崇聖祠祭銀六兩

社稷壇祭銀八兩



山川風雲雷雨城隍壇祭銀八兩

名宦鄉賢二祠各祭銀二兩一錢一分三毫四絲

忠義節孝二祠各祭銀二兩

邑厲壇祭銀一十兩八錢

關帝廟祭銀四十兩

文昌廟祭銀二十六兩新

知縣一員俸銀四十五兩外雍正六年以耗羨內銀八百兩作養廉

門子二名工食銀一十一兩八錢

斗級二名工食銀一十一兩八錢

庫子二名工食銀一十一兩八錢

馬快八名工食銀四十七兩二錢

民壯一十五名工食銀并增給置備器械銀共一百一

十八兩五錢

皂隸十名工食銀五十九兩

禁卒四名工食銀二十三兩六錢

吹手四名工食銀一十九兩六錢六分六厘七毫加過銀

一兩六錢六分六厘四毫

伴作一名工食銀五兩九錢

學習伴作二名工食銀五兩九錢

轎傘扇夫七名工食銀四十一兩三錢



石城縣志 卷二 田賦志 稅糧

儒學二員俸銀各四十兩

春冬鄉飲酒禮銀五兩

歲貢酒禮銀五兩分作二年領

廩生二十名餼糧銀四十兩過閏加銀三厘

齋丈三名工食銀三十六兩

門斗二名工食銀一十四兩四錢

典史一員俸銀三十一兩五錢二分養廉銀六十兩

門子一名工食銀六兩

皂隸四名工食銀二十四兩

馬夫一名工食銀六兩

差馬二匹工料錢五十七兩六錢雍正六年裁

馬夫一名工食銀一十兩八錢雍正六年裁

走遞人夫工食銀四十三兩二錢雍正六年裁

現有舖司兵六名工食銀三十二兩四錢過閏加銀二兩七錢

孤貧原額四名乾隆八年加六名額共十名現糧布銀

三十六兩過閏加銀三兩

以上各款悉遵照賦役全書



鹽課

石邑鹽鈔起存銀共二十四兩八毫零水脚銀一錢七分六厘零省志

戶口鹽鈔起運銀壹十二兩四毫

除逃亡銀一兩六錢五分九厘一毫實徵銀一十一兩三錢四分一厘三毫閏月加實徵銀八錢六分一厘七毫

脚耗銀二錢七分六厘

除逃亡銀三分八厘二毫實徵銀二錢三分七厘八毫過閏加實徵銀一分九厘八毫

存留銀一十二兩四毫賦以上俱參賦役全書

邑食廣東潮鹽歲約稅銀八十兩解府充軍餉過閏加六



兩六錢六分訂郭志

舊額引八百道康熙四十八年己丑更定引一千二百道  
應行鹽三十一萬六千八百斤徵餉銀七百三十八兩五  
錢四分二厘二毫零筭稅銀一十四兩八錢九分二厘六  
毫餘費銀二百九十四兩六錢九厘六毫零府志今每年額  
引仍一千二百道 又增引五百七十六道九分九厘九  
毫共計引七票一分共鹽四十八萬八千四十六斤十三  
兩

額徵餉銀一千零四十八兩四分四厘五毫三絲五忽六  
纖三沙八塵四埃 又增引餉銀五百零三兩九錢三分

三厘八毫七絲四忽一微四纖六沙五塵零九漠六遂八  
巡

贛州府志云宋慶曆至元豐以後贛郡俱食廣鹽不知何  
年復食淮鹽至明天順間以贛去淮寫遠復食廣鹽商人  
有願南贛發賣者照印納餉成化間贛府僉立鹽行此前  
明鹽稅畧也

國

朝順治間仍食廣鹽康熙十六年江撫佟中丞國正請復

淮鹽二十五年以後俱食潮鹽引額沿革詳載贛州府志賦役全書

新增抄錄兩廣現行鹽法誌

石城縣額加改引共一千七百七十六道九分九厘九毫



每引行鹽二百六十四斤每引網徵餉費銀六錢一分五釐四毫五絲一忽九微徵筭稅銀一分二厘四毫一絲零五微零七沙七塵三埃零二漠徵餘費銀二錢四分五厘五毫零八忽零三纖八沙五塵七埃三渺

共徵餉稅餘費銀一千五百五十一兩九錢七分八厘四毫零九忽七微一纖零三塵四埃零九漠六遠八巡

謹按原額引八百道徵餉銀九百一十三兩零八分四厘五毫六絲康熙四十八年將平遠各縣引四百道撥歸行銷餉稅餘費按引勻算共徵餉銀七百三

十八兩五錢四分二厘二毫八絲筭稅銀一十四兩八錢九分二厘六毫零九忽二微七纖六沙二塵四埃餘費銀二百九十四兩六錢零九厘六毫四絲六忽二微八纖七沙六塵乾隆二十三年餘鹽改引五百七十六道九分九厘九毫徵餉銀五百零三兩九錢三分三厘八毫七絲四忽一微四纖六沙五塵零九漠六遠八巡



倉穀

明洪武十九年丙寅詔天下知縣各立預備四倉為糴穀收貯以備賑濟就擇本地年高篤實民人管理時建

城南倉在阜康門外一里

東倉在相中里

北倉在長上里

義民倉在石中里 俱廢

成化十三年丁酉知縣吳文瑞增建八所

一在坊郭里永福寺之左 一在東倉右

一在北倉左 一在義民倉右

一在豐上里許坊 一在石上里聳岡

一在禮上里秋溪 一在龍上里濯龍



已上八倉皆虛設無穀萬曆十六年戊子知縣張仕通  
勸各里富民輸義穀凶歲借貸及償則量增息以殷實

附居之民管理後俱廢郭志廢跡內載南倉在縣西南  
地名車頭上大坪裡西倉在縣

西安仁坊二倉正統十三年戊辰  
寇毀倉址皆存又載省倉在縣東

一存留倉在縣公堂之西洪武初設每歲貯糧以為官俸

米併給往來使客後改為預備倉儲穀備賑

石邑常平倉積貯額穀一萬六千四百五十八石九斗二

合三勺三抄 前項內原缺斜面穀五百七十八石三斗

一升五合七勺七秒三撮二圭乾隆七年撥給社本穀三

百八十石六升四合舊志

按今常平倉穀額貯一萬二千石乃舊志載實存壹

萬五千五百石零五斗二升二合五勺五抄六撮八

圭今奉 縣憲朱查明乾隆三十一年知縣李泰任

內交代底冊已係額貯壹萬二千石舊志修于乾隆

四十六年所載實存倉穀浮開三千五百石零其為

沿舊照錄未經核改誤算可知等語查舊志本于王

志意當日未經查改以致沿悞然未知其始於何年

抑或別有開除也新

社穀

九里積貯穀共二千二百三十九石七斗一升六合八勺



石城縣志  
分貯二十處

中華民國廿四年十二月七日 收到

抄

2811

石城縣志卷二終

